



Broj: 01-50-3-124-2-I/16
Sarajevo, 25.07.2016. godine

PREDMET: Konkurentski zahtjev za dostavu ponuda za nabavku avionskih karata

Poštovani,

Ovim pozivom za dostavljanje ponuda, objavljenim na stranici Agencije za javne nabavke BiH broj: 432-7-2-10-3-3/16 dana 25.07.2016. godine, pozivate se da dostavite ponudu u postupku konkurentskog zahtjeva za nabavku avionskih karata za 2016/2017. godinu.

Da bi se kvalifikovali za dodjelu ugovora, dobavljači moraju zadovoljiti minimalne uslove iz Zakona o javnim nabavkama BiH, koji su detaljno opisani u tački 4. tenderske dokumentacije.

Predviđa se zaključenje okvirnog sporazuma na period 1 (jedne) godine.

Ponude se trebaju dostaviti na slijedeću adresu: Konkurencijsko vijeće Radićeva 8/IV, 71000 Sarajevo, najkasnije do 23.08.2016.godine do 14:30 sati.

Ponude se otvaraju u prostorijama Konkurencijskog vijeća, Radićeva 8/IV, u Sarajevu, dana 23.08.2016.godine u 15:00 sati.

1. INFORMACIJE O UGOVORNOM ORGANU

Konkurencijsko vijeće BiH (u daljem tekstu: Konkurencijsko vijeće)

Adresa: Radićeva 8/IV, 71000 Sarajevo

Identifikacijski broj: 4200932000001

Detaljna adresa za korespondenciju: Radićeva 8/IV, Sarajevo

Telefon: 033 251 406

Faks: 033 251 408

Web stranica: www.bihkonk.gov.ba

Lice koje je ovlašteno da vodi komunikaciju u ime ugovornog organa sa dobavljačima: Aleksandra Dunjić, tel. 033 251 406, fax : 033 251 408.

2. PREDMET NABAVKE

2.1. Predmet nabavke su avionske karte za potrebe Konkurencijskog vijeća za period od 1(jedne) godine dana od dana zaključivanja Okvirnog sporazuma, a za svaku isporuku avionskih karata će se zaključiti poseban ugovor, u periodu trajanja okvirnog sporazuma.

2.2. Usluge isporuke avionskih karata će se pružati sukcesivno i kontinuirano.

2.3. Dobavljač s kojim bude zaključen Okvirni sporazum dužan je dostavljati avionske karte po zahtjevu Ugovornog organa elektronskim putem, a po potrebi na adresu Radićeva 8/IV, u okviru radnog vremena Ugovornog organa, bez naknade za dostavu.

2.4 Dobavljač s kojim bude zaključen Okvirni sporazum dužan je da osigura informacije o redu letenja i cijenama, ponudi najbolje veze i najbrže dalje konekcije putovanja, te da sve tražene informacije Ugovornom organu obezbjedi usmenim i pismenim putem.

2.5 Dobavljač s kojim bude zaključen Okvirni sporazum dužan je da osigura alternativne rute u okviru opisa putovanja, te je dužan da Ugovornom organu ukaže na sve moguće posljedice u slučaju

otkazivanja, propuštanja kao i izmjene leta. Dobavljač s kojim bude zaključen okvirni sporazum neće zaračunati nikakve troškove Ugovornom organu vezano za pravovremeno otkazan let.

2.6 Dobavljač s kojim bude zaključen Okvirni sporazum dužan je da osigura fleksibilno radno vrijeme i mogućnost kontakta u toku 24 sata i da Ugovorni organ svrsta u „prioritete“ prilikom pružanja usluga koje su predmet nabavke.

2.7 Rok za isporuku avio karata po zahtjevu ugovornog organa je najkasnije 3 (tri) dana od prijema zahtjeva za nabavku avionski karata.

2.8 Dobavljač s kojim bude zaključen Okvirni sporazum dužan je po svakom zahtjevu koji dobije od Ugovornog organa, dostaviti najmanje 3 (tri) opcije za traženu destinaciju od najmanje 3 različita avio-prevoznika po najpovoljnijim raspoloživim cijenama. Ukoliko za svaki zahtjev za usluge nabavke avio karata i organizovanja putovanja ne dostavi 3 (tri) opcije za traženu destinaciju od najmanje 3 avio-prevoznika po njihovim najpovoljnijim tarifama, Ugovorni organ zadržava pravo da raskine Okvirni sporazum.

2.9. Dobavljačima nije dozvoljeno podugovoranje.

2.10. Dobavljač s kojim bude zaključen Okvirni sporazum dužan je uz svaku ispostavljenu fakturu za avionske karte priložiti i BSP kartu, sa naznačenim iznosom u odgovarajućoj valuti.

3. INSTRUKCIJE ZA DOBAVLJAČE

3.1. Način komuniciranja sa dobavljačima

Cjelokupna komunikacija i razmjena informacija (korespodencija) između Konkurencijskog vijeća i dobavljača će se voditi u pisanoj formi, na način da se ista dostavlja poštom ili lično na adresu naznačenu u tenderskoj dokumentaciji.

Posebno, komunikacija i razmjena informacija će se vršiti putem faksa, uz obavezu da se ista prosljedi i poštom prije isteka roka utvrđenog za dostavu informacije, odnosno ponude.

3.2. Priprema ponude

Dobavljači su obavezni da pripreme ponude u skladu sa uslovima koji su utvrđeni u ovoj tenderskoj dokumentaciji. Ponude koje nisu u skladu sa ovom tenderskom dokumentacijom će biti odbačene kao neprihvatljive.

Dobavljači snose sve troškove nastale na ime pripreme i dostavljanja njihovih ponuda. Konkurencijsko vijeće ne snosi nikakve troškove dobavljača u postupku nadmetanja.

Ponuda i svi dokumenti i korespodencija u vezi sa ponudom između dobavljača i Konkurencijskog vijeća moraju biti napisani na jednom od službenih jezika u Bosni i Hercegovini.

Original ponude treba biti otkucan ili napisan neizbrisivom tintom. Svi listovi ponude moraju biti čvrsto uvezani, sa označenim stranicama. Svi listovi ponude osim neizmijenjene odštampane literature, trebaju parafirati ili potpisati lica koja su ovlaštena da zastupaju dobavljača. Sve dopune i izmjene ponude moraju biti čitljive i parafirane od ovlaštenih lica.

Ponuda mora obavezno da sadrži sljedeće elemente:

1. obrazac za dostavljanje ponude (Aneks II),
2. obrazac za cijenu ponude (Aneks III),
3. spisak povjerljivih informacija (Aneks IV)
4. izjavu o ispunjenosti uslova iz člana 45. Zakona (Aneks V),
5. Aktuelni izvod iz sudskog registra ili rješenja nadležnog organa,
6. potvrdu o uredno izvršenim ugovorima,
7. Uvjerenje o akreditaciji IATA - važeće,

8. dozvolu za pristup jednom od vodećih međunarodnih rezervacionih sistema (Amadeus, Travelport Galileo, Sabre, Worldspan) ili drugi dokaz iz koga se vidi da ponuđač koristi rezervacioni sistem (izdat od strane ovlaštenog lica),
9. izjavu iz člana 52. Zakona (Aneks VI),
10. potpisan prijedlog okvirnog sporazuma (Aneks VII),

3.3. Povjerljivost

Konkurencijsko vijeće pretpostavlja da nisu sve informacije koje dobavljači dostave potpuno povjerljive. Neke informacije – uključujući i komercijalne, finansijske ili tehničke i *know how* će već biti javne ili će, u budućnosti, postati javno znanje.

Konkurencijsko vijeće zahtijeva od dobavljača da u ponudi navedu koje informacije se moraju smatrati povjerljivim, po kojoj osnovi se smatraju povjerljivim i koliko dugo će biti povjerljive. Cijena ponude se ne smatra povjerljivom ni u jednom slučaju.

Dobavljači moraju napraviti spisak (*popunjen po šemi koja se nalazi u prilogu*) informacija koje bi se trebale smatrati povjerljivim.

3.4. Dostavljanje ponuda

Dobavljač će dostaviti jednu ponudu u originalu. Ponuda sa pečatom i potpisom treba biti zatvorena i zapečaćena u jednoj neprovidnoj kovrti, sa imenom i adresom dobavljača, na kojoj će jasno štampanim slovima pisati slijedeće: “PONUDA ZA NABAVKU AVIONSKIH KARATA” – ne otvarati do 23.08.2016. godine, do 15.00 sati”.

3.5. Izmjena ili povlačenje ponuda

Dobavljači mogu izmijeniti ili povući svoje ponude pod uslovom da se izmjene ili povlačenje ponude dogodi prije isteka roka za dostavljanje ponuda. Konkurencijsko vijeće mora biti obaviješteno u pisanoj formi i o izmjenama i o povlačenju ponude. Osim toga, na kovrti u kojoj se nalazi izjava dobavljača, treba pisati slijedeće: “IZMJENA PONUDE ZA NABAVKU AVIONSKIH KARATA ” ili “POVLAČENJE PONUDE ZA NABAVKU AVIONSKIH KARATA ”.

3.6 Mjesto, datum i vrijeme otvaranja ponuda

Javno otvaranje ponuda će se održati dana 23.08.2016. godine u 15:00 sati, u prostorijama Konkurencijskog vijeća, u ul. Radićeva 8/IV. Dobavljači ili njihovi predstavnici mogu prisustvovati otvaranju ponuda.

4. KVALIFIKACIJA

4.1. Kriteriji za učešće i potrebni dokazi

U skladu sa članom 45. - 50. Zakona ponuđač treba ispunjavati sljedeće uslove:

- a) da nema smetnji za njegovo učešće u smislu odredbe člana 45. Zakona;
- b) da ima pravo na obavljanje profesionalne djelatnosti i/ili da je registrovan u relevantnim profesionalnim ili trgovačkim registrima, prema članu 46. Zakona;
- c) da njegova tehnička i profesionalna sposobnost garantuje uspješnu realizaciju ugovora prema članu 48. i 50. Zakona.

U svrhu dokazivanja lične sposobnosti (član 45. Zakona) ponuđač je dužan dokazati da:

a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;

b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;

c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;

d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

U svrhu dokazivanja uslova iz člana 45. stav 1.tački a) do d) ponuđač je dužan dostaviti popunjenu i ovjerenu Izjavu kod nadležnog organa koja je sastavni dio tenderske dokumentacije. Izjava ne smije biti starija od 15 dana od dana predaje ponude.

Ponuđač koji bude odabran kao najbolji u ovom postupku javne nabavke je dužan dostaviti slijedeće dokaze u svrhu dokazivanja činjenica potvrđenih u izjavi i to:

a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;

b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;

c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.

d) potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoje reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršava svoje obaveze i taj ponuđač neće biti kvalifikovan u ovom postupku javne nabavke.

U skladu sa članom 46. Zakona, ponuđač treba biti registrovan u odgovarajućem profesionalnom ili drugom registru zemlje za obavljanje profesionalne djelatnosti, koja je u vezi s predmetom nabavke djelatnosti iz koje je predmet ove nabavke.

Ponuđač, u svrhu dokaza o ispunjavanju uslova iz člana 46. Zakona, dužan je dostaviti Aktuelni izvod iz sudskog registra ili izjavu/potvrdu nadležnog organa kojom se dokazuje pravo ponuđača da obavlja profesionalnu djelatnosti koja je predmet ove nabavke.

Dokaz se dostavlja kao neovjerena kopija originala, s tim da datum izdavanja originala ne može biti stariji od 3 (tri) mjeseca računajući od dana dostavljanja ponude (pod danom dostavljanja ponude smatra se datum, koji je ugovorni organ, odredio kao rok za dostavljanje ponuda).

U skladu sa čl. 48. i 50. Zakona, ponuđač treba da ispunjava sljedeće uslove:

- a) da ima uredno izvršena najmanje dva ugovora o nabavci usluga rezervacija i obezbjeđivanja avionskih karata, u posljednje dvije godine ili od datuma registracije, odnosno početka poslovanja, ako je ponuđač registrovan, odnosno počeo s radom prije manje od dvije godine;
- b) da posjeduje Uvjerenje o akreditaciji IATA (International Air Transport Association - Međunarodno udruženje avioprijevoznika i putničkih agencija za prodaju avionskih karata);
- c) da koristi najmanje jedan od vodećih međunarodnih rezervacionih sistema (GDS - Global Distribution System) avionskih karata sa pristupom bazama podataka vodećih aviokompanija (Amadeus, Travelport Galileo, Sabre, Worldspan).

U svrhu dokaza o ispunjavanju uslova iz čl. 48 i 50. Zakona, ponuđač je dužan dostaviti sljedeće:

- 1) listu uredno izvršenih ugovora koja mora sadržavati sljedeće podatke:
 - a. naziv i sjedište ugovornih strana ili privrednih subjekata,
 - b. predmet ugovora,
 - c. vrijednost ugovora,
 - d. vrijeme i mjesto izvršenja ugovora,
 - e. navode o uredno izvršenim ugovorima;
- 2) Uvjerenje o akreditaciji IATA - važeće (International Air Transport Association - Međunarodno udruženje avioprijevoznika i putničkih agencija za prodaju avionskih karata);
- 3) dozvola za pristup jednom od vodećih međunarodnih rezervacionih sistema (Amadeus, Travelport Galileo, Sabre, Worldspan) ili drugi dokaz iz koga se vidi da ponuđač koristi rezervacioni sistem (izdat od strane ovlaštenog lica).

Dokaz pod 1) se dostavlja u vidu potvrde izdate od organa sa kojim je zaključen ugovor, a dokazi pod 2) i 3) se dostavljaju kao neovjerene kopije originala.

U slučaju da se u ponudi ne dostave gore navedeni dokazi (dokumenti) ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju.

Ponuđač je dužan da, bez odlaganja, pismeno obavijesti ugovorni organ o bilo kojoj promjeni u vezi sa ispunjenošću uslova iz postupka javne nabavke koja nastupi do donošenja odluke, odnosno zaključenja okvirnog sporazuma, odnosno tokom važenja okvirnog sporazuma i da je dokumentuje na propisani način.

Ugovorni organ će ponuđačima dostaviti Odluku o izboru najpovoljnijeg ponuđača u roku od 7 (sedam) dana od dana donošenja Odluke o izboru najpovoljnijeg ponuđača.

5. OCJENA PONUDA

Sve ponude koje nisu u skladu sa opisom predmeta javne nabavke i uslovima iz ove tenderske dokumentacije će se odbiti.

5.1. Kriteriji za dodjelu okvirnog sporazuma

Kriterij za dodjelu okvirnog sporazuma je najniža cijena tehnički zadovoljavajuće ponude.

5.2. Preferencijalni tretman domaćeg

Konkurencijsko vijeće obavezno primjenjuje preferencijalni tretman domaćeg iz člana 67. Zakona i to isključivo u svrhu poređenja ponuda prilikom ocjene ponuda.

Prilikom računanja cijena iz ponuda u svrhu poređenja ponuda, cijena iz domaćih ponuda će biti umanjena za preferencijalni faktor, u skladu sa Odlukom Vijeća ministra Bosne i Hercegovine.

U smislu ove odredbe domaće ponude su ponude koje podnose pravna ili fizička lica sa sjedištem u Bosni i Hercegovini i koja su registrovana u skladu sa zakonima u Bosni i Hercegovini i kod kojih, u slučaju ugovora o nabavkama roba, najmanje 50% ukupne vrijednosti od ponuđenih roba imaju porijeklo iz Bosne i Hercegovine, a u slučaju ugovora o uslugama i radovima, najmanje 50% radne snage za izvršenje ugovora su rezidenti iz Bosne i Hercegovine.

5.3. Zabrana pregovora

Sa dobavljačima se neće obavljati nikakvi pregovori u vezi sa ponudama. Međutim, Konkurencijsko vijeće može od dobavljača tražiti da pismenim putem pojasne svoje ponude, u određenom roku s tim da ne unose bilo kakve promjene u ponudu.

5.4. Neprirodno niske ponude

Ako su dostavljene ponude neprirodno niske u odnosu na usluge koje su predmet okvirnog sporazuma, Konkurencijsko vijeće će zahtijevati od dobavljača da opravda ponuđenu cijenu. Ako dobavljač ne dostavi zadovoljavajuće opravdanje, Konkurencijsko vijeće ima pravo odbiti takvu ponudu .

Da bi dobio obrazloženje za neprirodno nisku cijenu, Konkurencijsko vijeće u pisanoj formi zahtjeva od dobavljača da pruži detaljne informacije o relevantnim sastavnim elementima ponude, uključujući i elemente cijene i kalkulacija. Konkurencijsko vijeće će uzeti u obzir objašnjenje:

- a) tehničkih rješenja koja su odabrana i/ili izuzetno povoljnih uslova koji su na raspolaganju dobavljaču za pružanje usluga;
- b) originalnosti usluga koje dobavljač predlaže;

5.5. Ispravke grešaka i propusta

Konkurencijsko vijeće će ispraviti bilo koju grešku u ponudi koja je čisto aritmetičke prirode, ukoliko se ista otkrije u toku ocjene ponuda. Konkurencijsko vijeće će neodložno dobavljaču uputiti obavještenje o svakoj ispravci i može nastaviti sa postupkom sa ispravljenom greškom, pod uslovom da je dobavljač to odobrio u roku koji je odredilo Konkurencijsko vijeće. Ako dobavljač ne odobri predloženu ispravku, ponuda se odbacuje.

Konkurencijsko vijeće će ispraviti greške u računanju cijene u slijedećim slučajevima:

- a) kada postoji razlika između iznosa izraženog u brojevima i riječima - u tom slučaju prednost ima iznos izražen riječima, osim ukoliko se na taj iznos ne odnosi aritmetička greška;
- b) ako postoji razlika između jedinične cijene i ukupnog iznosa koji se dobije množenjem jedinične cijene i količine, jedinična cijena koja je navedena će imati prednost i potrebno je ispraviti konačan iznos;

5.6. Period važenja ponude

Ponude moraju važiti 90 (devedeset) dana, računajući period od isteka roka za podnošenje ponuda. Period važenja ne može biti kraći od roka navedenog u tenderskoj dokumentaciji. Ako ponuđač u ponudi ne navede period njenog važenja, smatra se da ponuda važi za period naznačen u tenderskoj dokumentaciji. U slučaju da je period važenja ponude kraći od roka navedenog u tenderskoj dokumentaciji, ugovorni organ će odbiti takvu ponudu u skladu sa članom 60. stav (1) Zakona.

6. INFORMACIJE O ZAŠTITI PRAVA DOBAVLJAČA

Svaki dobavljač koji ima opravdan interes za okvirni sporazum o javnoj nabavci i smatra da je Konkurencijsko vijeće u toku datog postupka dodjele ugovora izvršio povrede Zakona i/ili podzakonskih akata ima pravo da uloži prigovor na postupak na način i u vremenskom roku koji je određen Zakonom.

7. POTPISIVANJE OKVIRNOG SPORAZUMA

Konkurencijsko vijeće će obavijestiti dobavljača čija je ponuda izabrana o datumu i mjestu zaključivanja okvirnog sporazuma.

7.1. Uslovi iz okvirnog sporazuma

Konkurencijsko vijeće zaključuje okvirni sporazum sa dobavljačem čija je ponuda odabrana kao najbolja. Dobavljač potvrđuje svoju spremnost da zaključi okvirni sporazum na način da potpiše i popuni nacrt Okvirnog sporazuma (parafirati sve stranice Okvirnog sporazuma)

8. INFORMACIJE O TENDERSKOJ DOKUMENTACIJI

Tenderska dokumentacija je dostupna na adresi Konkurencijskog vijeća i na web stranici www.bihkonk.gov.ba . Za tendersku dokumentaciju se ne plaća naknada.

Zainteresovani dobavljači mogu tražiti pojašnjenje tenderske dokumentacije od Konkurencijskog vijeća u pisanoj formi, i to blagovremeno, a najkasnije 10 (deset) dana prije isteka roka za podnošenje ponuda.

Konkurencijsko vijeće će pripremiti odgovor u pisanoj formi u kojoj će zadržati stvarnu konkurentsku osnovu postupka dodjele ugovora, koji će se dostaviti svim dobavljačima u roku od 3 dana, a najkasnije 5 (pet) dana prije isteka roka za dostavljanje ponuda. Ukoliko je na temelju sadržaja odgovora potrebno mijenjati tendersku dokumentaciju, Konkurencijsko vijeće će, produžiti rok za dostavljanje ponuda i to najmanje za 7 (sedam) dana.

9. ANEKSI

Slijedeći aneksi su sastavni dio tenderske dokumentacije:

- Aneks 1: Obavještenje o javnoj nabavci
- Aneks 2: Obrazac za dostavljanje ponude sa Izjavom dobavljača
- Aneks 3: Obrazac za ponudu
- Aneks 4: Spisak povjerljivih informacija
- Aneks 5: izjava iz člana 45.
- Aneks 6: izjava iz člana 52.
- Aneksa 7: Okvirni sporazum

U ime ugovornog organa

ANEKS 2

OBRAZAC ZA DOSTAVLJANJE PONUDE

Broj nabavke: 01-50-3-124-1-I/16

Broj obavještenja sa Portala JN: 432-7-2-10-3-3/16

UGOVORI ORGAN: Konkurencijsko vijeće Bosne i Hercegovine

Radićeva broj 8/4

Sarajevo 71 000

PONUĐAČ:

(Upisuje se naziv ponuđača i ID broj ponuđača) , adresa ponuđača

KONTAKT OSOBA (za konkretnu ponudu)

Ime i prezime	
Adresa	
Telefon	
Faks	
E-mail	

IZJAVA PONUĐAČA

U postupku javne nabavke, koju ste pokrenuli i koja je objavljena na Portalu javnih nabavki, broj obavještenja o nabavci, dana, dostavljamo ponudu i izjavljujemo sljedeće:

1. U skladu sa sadržajem i zahtjevima tenderske dokumentacije br. (broj nabavke koji je dao ugovorni organ) , ovom izjavom prihvatamo njene odredbe u cjelosti, bez ikakvih rezervi ili ograničenja.
2. Ovom ponudom odgovaramo zahtjevima tenderske dokumentacije za izvršenje usluge u skladu sa uslovima utvrđenim u tenderskoj dokumentaciji , kriterijima i utvrđenim rokovima, bez ikakvih rezervi ili ograničenja.
3. Preduzeće koje dostavlja ovu ponudu je domaće sa sjedištem u BiH i najmanje 50% radne snage koja će raditi na realizaciji ovog ugovora o nabavci usluga, su rezidenti Bosne i Hercegovine, a dokazi da naša ponuda ispunjava uslove za preferencijalni tretman domaćeg, koji su traženi tenderskom dokumentacijom su u sastavu ponude.

*Ukoliko se na ponudu ne može primijeniti preferencijalni tretman domaćeg, navesti da se na ponudu ne primjenjuju odredbe o preferencijalnom tretmanu domaćeg .

4. Ova ponuda važi _____ (broj dana), računajući od isteka roka za prijem ponuda.

Ime i prezime osobe koja je propisno ovlašćena da predstavlja vodećeg ponuđača:

Potpis: _____

Mjesto i datum: _____

M.P.

ANEKS 3

OBRAZAC ZA PONUDU

Strana ___ od ___

Naziv dobavljača: _____

Ponuda broj: _____

1	2	3	4	5
Naziv usluge	Cijena provizije za usluge (u KM) bez uključenog iznosa pripadajućeg indirektnog poreza	Popust na cijenu provizije izražen u procentima (%)	Ukupno cijena ponude bez uključenog iznosa pripadajućeg indirektnog poreza (2-3)	Ukupna cijena ponude sa uključenim iznosom pripadajućeg indirektnog poreza (PDV 17 %)
Usluge prodaje avio karata				

Potpis dobavljača _____

Napomena:

1. Cijene moraju biti izražene u KM. Za svaku stavku u ponudi mora se navesti cijena.
2. Cijena ponude se iskazuje bez PDV-a i sa PDV-om, te sadrži sve naknade koje ugovorni organ treba platiti dobavljaču. Ugovorni organ ne smije imati nikake dodatne troškove osim onih koji su navedeni u ovom obrascu.
3. U slučaju razlika između jediničnih cijena i ukupnog iznosa, ispravka će se izvršiti u skladu sa jediničnim cijenama.
4. Jedinična cijena stavke se ne smatra računskom greškom, odnosno ne može se ispravljati.
5. Ovaj obrazac za cijenu ponude je jedna od mogućih opcija.

Potpis dobavljača _____

ANEKS 4

POVJERLJIVE INFORMACIJE

Informacija koja je povjerljiva	Brojevi stranica s tim informacijama u ponudi	Razlozi povjerljivosti tih informacija	Vremenski period u kojem će te informacije biti povjerljive

Potpis i pečat dobavljača

ANEKS 5

Izjava o ispunjenosti uslova iz člana 45. stav (1) tačkaka od a) do d) Zakona o javnim nabavkama BiH („Službeni glasnik BiH" broj: 39/14)

Ja, niže potpisani _____ (Ime i prezime), sa ličnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti _____ (Navesti položaj, naziv privrednog društva ili obrta ili srodne djelatnosti), ID broj: _____, čije sjedište se nalazi u _____ (Grad/općina), na adresi _____ (Ulica i broj), kao kandidat/ponuđač u postupku javne nabavke Konkurentski zahtjev za dostavu ponuda za nabavku avionskih karata za 2016/17, a kojeg provodi ugovorni organ Konkurencijsko vijeće BiH, za koje je objavljeno obavještenje o javnoj nabavci broj:432-7-2-10-3-3/16, a u skladu sa članom 45. stavovima (1) i (4) **pod punom materijalnom i kaznenom odgovornošću**

IZJAVLJUJEM

Kandidat/ponuđač _____ u navedenom postupku javne nabavke, kojeg predstavljam, nije:

- a) Pravosnažnom sudskom presudom u kaznenom postupku osuđen za kaznena djela organiziranog kriminala, korupcije, prevare ili pranja novca u skladu s važećim propisima u BiH ili zemlji u kojoj je registriran;
- b) Pod stečajem ili je predmetom stečajnog postupka ili je pak predmetom postupka likvidacije;
- c) Propustio ispuniti obaveze u vezi s plaćanjem penzionog i invalidskog osiguranja i zdravstvenog osiguranja u skladu s važećim propisima u BiH ili zemlji u kojoj je registriran;
- d) Propustio ispuniti obaveze u vezi s plaćanjem direktnih i indirektnih poreza u skladu s važećim propisima u BiH ili zemlji u kojoj je registriran.

U navedenom smislu sam upoznat sa obavezom kandidata/ponuđača da u slučaju dodjele ugovora dostavi dokumente iz člana 45. stav (2) tačke od a) do d) na zahtjev ugovornog organa i u roku kojeg odredi ugovorni organ shodno članu 72. stav (3) tačka a).

Nadalje izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti predstavlja kazneno djelo predviđeno Kaznenim zakonima u BiH, te da davanje netačnih podataka u dokumentima kojima se dokazuje lična sposobnost iz člana 45. Zakona o javnim nabavkama predstavlja prekršaj za koji su predviđene novčane kazne od 1.000,00 KM do 10.000,00 KM za ponuđača (pravno lice) i od 200,00 KM do 2.000,00 KM za odgovorno lice ponuđača.

Također izjavljujem da sam svjestan da ugovorni organ koji provodi navedeni postupak javne nabavke shodno članu 45. stav (6) Zakona o javnim nabavkama BiH u slučaju sumnje u tačnost podataka datih putem ove izjave zadržava pravo provjere tačnosti iznesenih informacija kod nadležnih organa.

Izjavu dao:

Mjesto i datum davanja izjave:

Potpis i pečat nadležnog organa:

MP.

ANEKS 6

PISMENA IZJAVA IZ ČLANA 52 ZAKONA O JAVNIM NABAVKAMA

Ja, niže potpisani _____ (Ime i prezime), sa ličnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti _____ (Navesti položaj, naziv privrednog društva ili obrta ili srodne djelatnosti), ID broj: _____, čije sjedište se nalazi u _____ (Grad/općina), na adresi _____ (Ulica i broj), kao kandidat/ponuđač u postupku javne nabavke Konkurentski zahtjev za dostavu ponuda za nabavku avionskih karata za 2016/17, a kojeg provodi ugovorni organ Konkurencijsko vijeće BiH, za koje je objavljeno obavještenje o javnoj nabavci broj:432-7-2-10-3-3/16, a u skladu sa članom 52. stav (2) Zakona o javnim nabavkama **pod punom materijalnom i kaznenom odgovornošću**

IZJAVLJUJEM

1. Nisam ponudio mito ni jednom licu uključenom u proces javne nabavke, u bilo kojoj fazi procesa javne nabavke.
2. Nisam dao, niti obećao dar, ili neku drugu povlasticu službenom ili odgovornom licu u ugovornom organu, uključujući i strano službeno lice ili međunarodnog službenika, u cilju obavljanja u okviru službene ovlasti, radnje koje ne bi trebalo da izvrši, ili se suzdržava od vršenja djela koje treba izvršiti on, ili neko ko posreduje pri takvom podmićivanju službenog ili odgovorna lica.
3. Nisam dao ili obećao dar ili neku drugu povlasticu službenom ili odgovornom licu u ugovornom organu uključujući i strano službeno lice ili međunarodnog službenika, u cilju da obavi u okviru svoje službene ovlasti, radnje koje bi trebalo da obavlja, ili se suzdržava od obavljanja radnji, koje ne treba izvršiti.
4. Nisam bio uključen u bilo kakve aktivnosti koje za cilj imaju korupciju u javnim nabavkama.
5. Nisam sudjelovao u bilo kakvoj radnji koja je za cilj imala korupciju u toku predmeta postupka javne nabavke.

Davanjem ovu izjave, svjestan sam kaznene odgovornosti predviđene za kaznena djela primanja i davanja mita i kaznena djela protiv službene i druge odgovornosti i dužnosti utvrđene u Kaznenim zakonima Bosne i Hercegovine.

Izjavu dao:

Mjesto i datum davanja izjave:

Potpis i pečat nadležnog organa:

ANEKS 7

Na osnovu člana 32. Zakona o javnim nabavkama Bosne i Hercegovine („Službeni glasnik BiH“, br. 39/14), a nakon provedenog konkurentskog postupka javne nabavke, zaključen je

OKVIRNI SPORAZUM

između:

Konkurencijskog vijeća Bosne i Hercegovine, sa sjedištem u Sarajevu, Radićeva 8/IV, koje zastupa predsjednik mr Arijana Regoda-Dražić (u daljem tekstu: Naručilac usluga) i _____, koga zastupa _____ (u daljm tekstu : Pružalac usluga).

Član 1.

Ugovorne strane utvrđuju da je Pružalac usluga odabran kao najpovoljniji Ponuđač za pružanje usluge nabavke avionskih karata za potrebe Konkurencijskog vijeća Bosne i Hercegovine, a na osnovu provedenog postupka javne nabavke putem konkrentskog zahtjeva, ponude Pružaoca usluga broj: 01-50-3-124- -I/16 od .2016.godine i Odluke o izboru najpovoljnijeg ponuđača broj: 01-50-3-124- -I/16 od .2016.godine.

Član 2.

Pružalac usluga se obavezuje da će na zahtjev i prema potrebama Naručioca usluga, u roku od 3 dana od prijema zahtjeva Naručioca usluga izvršiti usluge koje su predmet Okvirnog sporazuma.

Član 3.

(1) Ugovorne strane su saglasne da ukupna vrijednost usluge nabavke avionskih karata iznosi najviše do 10.000,00 KM sa uračunatim PDV-om, u zavisnosti od stvarnih potreba Naručioca usluga, za vrijeme trajanja ovog Sporazuma.

(2) Pružalac usluga je dužan Naručiocu usluga za svaku pojedinu uslugu ispostaviti fakturu uz koju treba priložiti BSP kartu.

(3) Plaćanje se vrši po ispostavljenoj fakturi na račun Pružaoca usluga u roku od 15 dana od prijema fakture.

Član 4.

(1) Ovaj Okvirni sporazum se zaključuje na period od 1(jedne) godine.

(2) Ugovorne strane će, zavisno od interesa ugovornih strana, zaključivati pojedinačne ugovore, a u skladu sa uslovima utvrđenim u Obavještenju o nabavci, tenderskoj dokumentaciji i u skladu sa odredbama Zakona o obligacionim odnosima Bosne i Hercegovine.

Član 5.

Ugovorne strane su saglasne da je u slučaju spora po osnovu ovog okvirnog sporazuma nadležan Sud Bosne i Hercegovine.

Član 6.

(1) Ovaj Okvirni sporazum je sačinjen u četiri istovjetna primjerka, od kojih dva primjerka zadržava Pružalac usluga, a dva Naručilac usluga.

(2) Ovaj Okvirni sporazum stupa na snagu danom potpisivanja obje strane.

Za Pružaoca usluga

Za Naručioca usluga
Predsjednik

Broj: _____
Sarajevo, _____

mr Arijana Regoda-Dražić
Broj:01-50-3-124- -I/16
Sarajevo,

